



Republika e Kosovës
Republika Kosova-Republic of Kosovo
Qeveria / Vlada / Government
Ministria e Digjitalizimit dhe Administratës Publike – Ministarstvo digitalizacije i javne uprave – Ministry of Digitalization and Public Administration

K O N K U R S

Në bazë të Nenit 14 të LIGJI Nr. 05/L - 085 për Energjinë Elektrike, **Ministria e Digjitalizimit dhe Administratës Publike** shpall konkurs për këtë vend pune:

Titulli i vendit të punës:

Drejtor të Bordit të Operatorit të Sistemit të Transmetimit- dy pozita

KUALIFIKIMI DHE PËRSHTATSHMËRIA PROFESIONALE

Një kandidat për t'u zgjedhur drejtor i Bordit të Operatorit të Sistemit të Transmetimit duhet të ketë kualifikime dhe përvojë pune sipas nenit 17 të Ligjit për Ndërmarrjet Publike Nr. 03/L-087, dhe Neni 9 të Ligjit Nr. 04/L-111 për ndryshimin dhe plotësimin e Ligjit Nr. 03/L-087 për Ndërmarrjet Publike, si vijon:

Çdo person i cili konkurren për një pozitë të drejtorit duhet të përmbush edhe kushte e përshtatshmërinë profesionale, si në vijim:

- a. Duhet të jetë person që ka integritet të njohur, dukë marr parasysh, ndër tjera, çfarëdo shkelje materiale të detyrave besuara (fiduciare) që mund të ketë bërë ky person ndaj cilitdo person tjetër;
- b. Duhet të ketë së paku pesë (5) vite përvojë – së paku në një nivel të lartë të menaxhmentit – në fushën e administrimit të biznesit, financave korporative, financa, menaxhim i thesari, banka, konsulencë në biznes ose industri ose nga një fushë tjetër e shkencës ose njohurisë e cila ka të bëjë me veprimtarinë afariste të NP-së; ose (ii) për së paku pesë (5) vite, të ketë qenë kontabilist publik, jurist i kualifikuar, ose anëtar i kualifikuar i një profesioni tjetër i cili ndërlidhet ngushtë me veprimtarinë afariste të NP-së.

KUSHTET

Një person ka të drejtë të shërbejë si drejtor vetëm nëse i plotëson të gjitha kushte më poshtë si dhe kushte për pavarësi dhe përshtatshmëri profesionale siç janë:

- Nuk është dënuar me aktgjykim nga një gjykatë kompetente për kryerjen veprës penale ose civile, vepër penale apo civile që përfshinë përgënjeshttrim, prezantimin e rrejshëm, korrupsionin, vjedhjen, pastrimin e parave, përvetësim, keqpërdorim apo ndarjen e rrejshëm të fondeve, për përfshirje në mitosje apo ryshfet sipas ligjeve apo rregulloreve në fuqi në Kosovë apo ndonjë vend tjetër, apo sipas traktateve ose konventave ndërkombëtarë;

- Nuk është dënua me aktgjykim nga një gjykatë ose organ apo organizatë përgjegjëse për zhvillimin e kodit etik apo standardeve të sjelljes profesionale, se është angazhuar në sjellje jo profesionale, ka shkelur kodin etik apo standardet e sjelljes profesionale, se ka keqpërvetësuar apo keqpërdorur parat apo burimet publike, se ka keqpërdorur apo keqpërvetësuar informatat (të dhënat) e fituara gjatë shërbimit si zyrtar publik apo shërbyes civil, ose se ka keq përdorur postin publik ose postin në shërbimin civil për përfitime personale ose për përfitime apo përparësi të një të afërmi ose të njohuri, apo;
- Nuk ka bërë përgënjeshtime materiale nën çfarëdo dëshmie nën betim apo betim tjetër apo ose dokumentin të vulosur apo noterizuar;
- Nuk është shpallur i falimentuar gjatë (10) viteve të kaluara dhe
- Nuk punon në ndonjë institucion ku bëhen politikat zhvillimore për Ndërmarrje Publike përkatëse ku kandidati punon.

Kandidati nuk kualifikohet për drejtor në Bordin e Ndërmarrjes Publike Qendrore, nëse:

- Aktualisht është zyrtar, ose menaxher i NP përkatëse, ose cilëso nga filialet e saj, ose ka shërbyer si zyrtar ose menaxher i NP përkatëse ose cilëso nga filialet e saj brenda pesë (5) viteve të kaluara;
- Aktualisht është punonjës i nivelit të lartë i NP-së përkatëse, ose ka shërbyer si punonjës i nivelit të lartë në NP-në përkatëse brenda tri (3) viteve të kaluara;
- Aktualisht ka, ose gjatë tre vjetëve të kaluara ka pasur, çfarëdo marrëdhënie materiale afariste (*përveç si konsumator individual i shërbimeve të NP-së*) me NP-në përkatëse ose cilëndo nga filialet e saj, qoftë në mënyrë të drejtpërdrejtë ose të tërthortë;
- Është aksionar, drejtor, zyrtar ose punonjës i lartë në një shoqëri tregtare ose person tjetër juridik, i cili ka marrëdhënie materiale afariste me NP-në përkatëse ose cilëndo nga filialet e saj;
- Pranon, ose ka pranuar brenda tre (3) vjetëve të kaluara, kompensim shtesë nga NP përkatëse ose cilado nga filialet e saj (*përveç honorarit të Drejtorit ose kompensimit stimulues të përcaktuar në nenin 20.1 të Ligjit*, ose është anëtar në skemën pensionale të NP-së përkatëse ose cilëndo nga filialet e saj);
- Mbanë drejtorësi të ndërsjellë ose ka lidhje të konsiderueshme me drejtorët e tjerë të NP-së përkatëse përmes përfshirjes në shoqëri tjera tregtare ose organe;
- Përfaqëson në aksionar i cili posedon dhjetë për qind (10%) të aksioneve votuese në NP-në përkatëse;
- Ka shërbyer në Bordin e Drejtorëve të NP-së përkatëse më shumë se nëntë (9) vjet nga data e zgjedhjes së parë të tij/saj;
- Është i afërm i shkallës së tretë (*siç është konstatuar në përputhje me përkufizimin e "Interesit Financiar" në nenin 2 të këtij Ligji*) i cilitdo person që i takon cilëso nga kategoritë më sipër përveç personit të përcaktuar në pikën 2; ose
- Është ose (i) punonjës, zyrtar, drejtor ose aksionar, ose ka një interes financiar në një shoqëri tregtare të pa-listuar dhe që konkurron në Ndërmarrjen, ose (ii) menaxher i lartë, zyrtar, drejtor ose aksionar (i cili posedon më shumë se dy për qind (2%) të drejtave të votimit), ose ka një interes të konsiderueshëm financiar në, cilëndo nga shoqëritë tregtare të listuara që konkurrojnë në Ndërmarrjen; dhe
- Është ose në çfarëdo kohe gjatë periudhës 36 mujore para datës së aplikimit ka qenë (i) zyrtar i zgjedhur publik, i emëruar politik ose bartës i një posti udhëheqës ose vendimmarrës në një parti politike;
- Ka çfarëdo konflikti të interesave që për nga natyra, do të shkaktoje që ky person të mos jetë në gjendje që në mënyrë rutinore, me besnikëri, në mënyrë të pavarur dhe objektive t'i përmbushë detyrat e tij financiare ndaj Aksionarëve dhe NP-së.

KOMPENZIMI

Kompensimi i drejtorëve të Bordit të Operatorit të Sistemit të Transmetimit do të bëhet në bazë të legjislacionit në fuqi.

KOHËZGJATJA E MANDATIT:

Mandati i secilit drejtor të Bordit është katër (4) vjeçar, me mundësi emërimi edhe për një mandat tjetër në vazhdim. Mandati i secilit anëtar të Bordit fillon nga data e emërimit nga Kuvendi i Republikës së Kosovës.

NFORMATAT TË PËRGJITHSHME PËR KANDIDATËT LIDHUR ME PROCEDURAT E APLIKIMIT

Kandidatët për drejtorë të Bordit të Operatorit të Sistemit të Transmetimit duhet të dorëzojnë këto dokumente:

- CV-në e cila ofron shembuj të arritjeve në punë;
- Letrën e motivimit, e cila ndërlidhet me vendin ku aplikon;
- Deklaratën nën betim (formular, i cili plotësohet në momentin e dorëzimit të dokumentacionit);
- Certifikatën mbi dënimin penal të lëshuar nga Këshilli Gjyqësor i Kosovës, se nuk ka dënime penale në evidencën qendrore penale të Republikës së Kosovës (certifikata e nxjerrur online në platformën e-Kosova do të pranohen);
- Diplomë/a e arsimit të lartë më së paku 3 vite të studimeve në administrim të biznesit, financa të korporatave, financa publike, menaxhim thesari, banka, biznes konsultimesh, industri ose kontabilist i certifikuar, jurist i kualifikuar, ose në ndonjë profesioni tjetër që ndërlidhet me veprimtarinë afariste të Ndërmarrjeve Publike. Diplomat e fituara jashtë vendit duhet të jenë të nostrifikuara nga MASHTI ose të këtë dëshmi që është në proces të nostrifikimit;
- Vërtetimin e përvojës së punës të lëshuar nga institucioni kompetent përgjegjës - zyra e personelit, ku specifikohet data e fillimit dhe data e mbarimit të marrëdhënies së punës dhe Pasqyrat të kontributeve pensionale, ky kriter i fundit nuk kërkohet për përvojat e punës para themelimit të Fondit të Kursimeve Pensionale të Kosovës, dhe për ato përvoja kur punëdhënësit nuk kanë qenë të detyruar të paguajnë në këtë institucion);
- Dokumentin Identifikues (kopje të dokumentit identifikues, pasaportës, letërnjoftimit apo certifikatës së shtetësisë, e cila duhet të jetë valide).

Aplikuesi duhet të plotësoj personalisht deklaratën nën betim që do të publikohet me konkurs në Web faqen e MPB, në të cilën deklaron se ai/ajo i përmbush kushtet e kualifikimit, pavarësisë dhe të përshtatshmërisë profesionale sipas këtij konkursi. Çdo përgënjeshttrim material, qoftë i qëllimshëm ose nga neglizhenca, ose ndryshim material nga informatat e dhëna në deklaratën nën betim, do të rezultojë në diskualifikimin e menjëhershëm.

Të gjithë kandidatët e interesuar mund të aplikojnë nga data 13.03.2026 deri me datën 13.04.2026, në mënyrë fizike, dokumentacioni dorëzohet në DMZP - MDAP, në ndërtesën e “Ish Rilindjes”, kati përdhësë, **zyra nr. 023.**, në zarf/pliko të mbyllur ku shkruhet emri dhe mbiemri i aplikuesit.

Aplikimi mund të bëhet edhe përmes e-mail adresës: Rekrutimi.DMZP@rks-gov.net, po ashtu edhe përmes postës në adresën Rruga “Luan Haradinaj” ndërtesa “Ish Rilindjes” Prishtinë.

Komunitetet jo-shumicë dhe pjesëtarët e tyre, gjinia më pak e përfaqësuar, me qëllim të përmbushjes së kriterit për barazinë gjinore, dhe personat me aftësi të kufizuara inkurajohen të aplikojë për pozitë e shpallura.

Dokumentacioni i dorëzuar nuk kthehet, origjinalet mund të kërkohen gjatë intervistës. Aplikacionet e pakompletuara nuk do të shqyrtohen.

Do të kontaktohen të gjithë kandidatët dhe do të njoftohen me arsyen e mos përzgjedhjes.

Për informata shtesë gjatë fazës së aplikimit mund të kontaktoni në nr. telefonit 038/200 60 727.